

Corte Superior ta haya cu nan a hiba un mal maneho

RUDY LEYSNER, RUFFO DE CUBA Y LLOYD LESLIE A PERDE CASO CONTRA COMITE OLIMPICO ARUBANO

ORANJESTAD(AAN) -- Corte Superior ta haya cu raport di Central Accountant Dienst ta muestra bon cla cu Rudy Leysner, Ruffo de Cuba y Lloyd Leslie a hiba un mal maneho na Comité Olimpico Arubano y cu nan no ta apto pa maneha dicho organizacion. Corte Superior a rechaza nan demanda y a confirma e sentencia di Corte den Promer Instancia.

Diamars Corte Superior a dicta sentencia den e caso cu Rudy Leysner, Ruffo de Cuba y Lloyd Leslie a apela contra Comité Olimpico Arubano. E personanan a worde representa pa abogado mr. van der Kuyp mientras cu Comité Olimpico Arubano a worde representa pa abogado mr. Offringa.

Dia 30 di December 1997, Corte den Promer Instancia a dicta sentencia caminda a haya e personanan ariba mencionada culpabel di a hiba mal maneho na dicho organizacion. Nan no tabata di acuerdo cu e sentencia y a apela e caso.

Corte Superior den su evaluacion di e caso a muestra riba e raport di Central Accountants Dienst (C.A.D.) cu a haci un investigacion riba e relato anual di 1996 di Comité Olimpico Arubano (C.O.A.).

E conclusionnan y recomendacionnan di C.A.D. ta:

a. Tin un fayto grandi den e organizacion administrativo y tambe e medidanan di control interno na C.O.A. No a haya ningun linea di maneho,

instruccion y procedimiento. E notulanan di e reunionnan di e directiva no tey. Tin falta di diferente facturación. No tin un administracion di caha. Door di esakinan ta imposibel pa tin un control riba e entrada y gastonan exacto di C.O.A. C.A.D. ta haya esaki inaceptabel.

b. Nan ta conseha pa tuma medidanan pa mas pronto posibel haya un solucion pa e fayonan ariba menciona.

c. C.A.D. a constata cu directiva di C.O.A. a declara gastonan cerca I.O.C. cu C.A.D. tin duda cu realmente e gastonan aki a worde haci. Pa C.A.D. esaki ta inaceptabel.

d. C.A.D. a constata cu C.O.A. a paga pasashi pa familiarnan di e miembronan di directiva. Esaki pa C.A.D. ta inaceptabel.

e. For di un carta di 18 September 1996 por saca afor cu I.O.C. tabata dispuesto pa cubri gastonan di un miembro di C.O.A. pa e asisti na un reunion di e comité nacional olimpico na Cancun, Mexico. For di e administracion di C.O.A., C.A.D. no por saca afor cu C.O.A. en berdad a ricibi e suma aki. Esaki pa C.A.D. ta inaceptabel.

C.A.D. a constata cu a haci

denuncia contra algun miembro di C.O.A. pa actua incorrecto. C.A.D. ta conseha pa manda un copia di e raport aki pa Ministerio Publico pa nan al tanto kico a sosode.

Corte Superior ta sigui bisa cu abogado di e tres personanan no a contradeci e raport aki y pesey Corte Superior ta sali for di e punto di bista cu e raport ta duna un bista confiable di loke a sosode cu e situacion administrativo y financiero di C.O.A. durante cu e personanan aki tabata hiba maneho eynan.

Corte Superior a señala cu e raport di C.A.D. ta muestra cu durante Leysner, de Cuba y Leslie nan periodo di maneho, nan a causa un desorden administrativo y financiero. Pa interes general ta necesario cu riba termino corto realmente pone tur cos na orden atrobe na C.O.A. y cu e trio aki no ta esnan adecua pa esaki.

Ta nan a causa e desorden en todo caso durante nan maneho nan a muestra cu nan no ta capaz pa drecha e desorden aki.

Corte Superior no ta haya cu mester duna un orden pa e trio aki bolbe bin na remarca pa forma parti di e directiva di C.O.A. E interes cu nan tin den esaki esta drecha nan honor, door di e forma con nan a hiba e maneho, no ta pisa mas cu e interes di C.O.A. pa drecha e situacion administrativo y financiero y hiba un maneho controlabel.

Corte Superior a rechaza e demandanan di e trio y ta haya cu correctamente Corte den Promer Instancia a rechaza nan demandanan. Corte Superior su decision ta cu nan ta confirma e sentencia di Corte den Promer Instancia y ta ordena e trio pa paga e gastonan di e caso di parti di C.O.A. cu ta 5142 den cual ta inclui 5000 Florin como salario di e abogado.

For di e sentencia aki por compronde cu Leysner, de Cuba y Leslie ta core e riesgo cu Ministerio Publico por cuminsa un caso penal contra nan. En todo caso denuncia a worde haci y C.A.D. a pidi pa duna Ministerio Publico un copia di e investigacion cu C.A.D. a haci.

Bingo Feliz

Bingo
ta cuminsa pa
8 or P.M.



Cumpra bo carchi pa

Afl. 10,-

y ricibi

4 carchi

plus oportunidad pa gana doorprize

FULL CARD

Afl. 2000.-

Alcansando un gran total di

Afl. 4200.-

8 WEGA

**Snacks y
Bebida gratis!**

Royal Cabana Casino

Where the Fun Never Ends

J.E. Irausquin Blvd. 250 * next to La Cabana All-Suite Resort
slots at 11 a.m., tables at 5 p.m. every day
tel: 877000 * <http://www.royalcabana.com>

Winner 1996 Iguana Awards & Lifetime
Achievement Award 1992 - 1996
"Most Supportive" Casino to Tourism

PLEASURE ISLAND Air Jump



Un Mester Pa Cada Fiesta Di Mucha y Beach Party
•Entre 2 - 14 aña

Un Gozo Cu Bo Muchanan Lo Corda Pa Hopi Tempo
Hasi Bo Fiesta Un Exitu, Huur Un Luchtkasteel
Tel/Fax 8-40976